

天谷菴

半天突出一奇峯小小茅菴滋味濃夾道新松招夜月滿林幽
竹喚秋風迎人野鳥間關語惱客巖花爛熳紅策杖且隨流水
去柴門時有_一雲封

降真室

瓊鐘發響絲幡飛窗外青鳥半夜啼松竹無言爭地靜星辰可
摘覺天低黃_雲屋角勝金輦素月簷頭放玉梯稽首紫皇初宴
罷太虛聲斷乞刀圭

贈慵菴盧副宮

山色凝雲翠幾重鳥聲驚落夕陽紅要攜琴去彈秋月且撥碁
道藏輯要 _{白真人集二} _妻 _{雙集二}
來著晚風一度醉眠知事少數番吟暢覺心空慵菴不與人相
與閣上柴門滋味濃

盧叔裕清貧軒

一味逍遙不管天日高丈五尙閑眠溪魚村酒別般味野藪山
殺不用錢甕_一歸華門關小徑乾柴白米煮清泉有時拄杖青松
畔便是人間快活仙

劣隱

世態炎涼覺鼻酸洞門空掩綠煙寒仗三尺劍臨風舞把一張
琴對月彈斫竹數竿容水過倚松半日我經看山林心緒得閑
處好煉長生不死丹